

Powšitkowne WOZJEWJENJA

njedźelu, 3. meje 2026

Nabožne wusyłanja w serbskim rozhłosu

Prědowanje w MDR serbskim rozhłosu ma tutu njedźelu, 3. meje, kapłan Pětr Mróz z Budyšina. Wotkaz na nabožne wusyłanje w mediatece MDR je pod www.posol.de podaty, zdobom chowa so za QR-codom.

Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka „Při Klóšterskej wodže“ kaž tež susodnych woborow na česć swjateho Floriana budže pjatk, 8. meje, w 19.00 hodž. w hnadownej cyrkwi w Róžeńće. Wšitcy wobornicy kaž tež hosćo su přeprošeni.

Putnikowanje staršich a chorych ludźi do Różanta

Putnikowanje staršich a chorych ludźi ze serbskich wosadow do Różanta budže sobotu, 9. meje. Boža mša zahaji so w 14.00 hodž. Na njej wudžela tym, kotřiž sej to přeja, žalbowanje chorych. Wot 13.30 hodž. modla so tam swjaty różowc.

Putnikowanje wujednanja do čěskich Hejnic

Wěriwi z Němskeje, Pólskeje a Čěskeje su sobotu, 9. meje, na putnikowanje wujednanja do čěskich Hejnic přeprošeni, wuraznje tež Serbja. Boža mša w hnadownej cyrkwi Marije wopytanja zahaji so w 10.30 hodž. Hłowny celebrant budže swjećacy biskop Piotr Wawrzynek z Legnicy. Hejnice přisłušeja Litoměřiskej diecezy, kotraž swjeći lěto wujednanja. Z tym chcedža tež na wuhnaće Němcow z Čěskeje před 80 lěta spominać a dialog mjez krajomaj podpěrować.

Modlenje swjateho różowca w Róžeńće

Na modlenje różowca a před Najswjećišim su wěriwi sobotu, 9. meje, we 18.00 hodž. do Róžeńčanskeje hnadowneje cyrkwy přeprošeni. Paćerje budu w serbskej a němskej rěči spěwane.

Mejski nyšpor TCM

Towarstwo Cyrila a Metoda z.t. (TCM) přeprošuje na mejski nyšpor, kotryž budže njedźelu, 17. meje, w 17.00 hodž. w Róžeńčanskej swjatnicy. Wšitcy su wutrobnje witani.

Wulět samostejacych do klóštra a k biskopej

Wulět samostejacych ze serbskich wosadow budže wutoru, 2. junija, a powjedže do klóštra Marijineho doła a do Zhorjelca. Tam je zetkanje z biskopom Wolfgangom Ipoltom předwidžane. Wšitcy su wutrobnje přeprošeni. Zajimcy měli so hač do pónđzele, 11. meje, w redakciji Katolskeho Posoła, telefonowe číslo (0 35 91) 5 02 12, přizjewić. Wotjězd je w 6.55 hodž. w Radworju a w 7.15 hodž. w Chrósćicach z busoweho zastanišća.

Krosnowanski dzeń za pory

Na zhromadny dzeń z krosnowanjom přepróšuje Swójbny zwjazk katolikow w Drježdžansko-Mišnjanskim biskopstwje pory do dožiwjenskeho parka w Moritzburgu. Tón wotměje so sobotu, 6. junija, wot 10.00 do 16.00 hodž. a hodži so zdobom za pory, kotrež so na sakrament mandželstwa přihotuja. Swójski přinošk kóždého porika wučinja 80,00 eurow a wobsahuje wuhotowanie za krosnowanje, zastup do dožiwjenskeho parka kaž tež napoj. Wo čelne derjeměće měł so kóždy sam starać. Link k nadrobnišim informacijam kaž tež k přizjewjenju je pod www.posol.de wozjewjeny.

Zjězd biskopstwoweje młodžiny w Pančicach-Kukowje

Młodostni z cyłeho Drježdžansko-Mišnjanskeho biskopstwa – tež serbscy – su přepróšeni, pěši abo z kolesom zhromadnje do klóštra Marijineje hwězdy w Pančicach-Kukowje putnikować. Tam wotměje so sobotu a njedželu, 13. a 14. junija, zjězd biskopstwoweje młodžiny. Wobsteji móžnosć so 20 respektiwne 50 kilometrow z kołom abo 7 respektiwne 12 kilometrow pěši na puć podać. Po puću su přestawki a impulsy planowane. Sobotu budže w klóštrje pisany program ze wšelakimi džělarničkami, modlenjom a spěwanjom. Nazajtra, njedželu, budže zhromadna Boža mša z diecezanskim młodžinskim dušepastyrjom Michaelom H. Kreherom. Link k dalšim informacijam a k přizjewjenju je online pod www.posol.de wozjewjeny.

Na konferencu AUGEN:BLICK do Lubija

W Lubiju wotměje so wot pjatka do njedže, 29. do 31. meje, wjacednjowska konferenca wšelakich křesćanskich wosadow a skutkow Hornjeje Łužicy AUGEN:BLICK. Mjez referentami budže sobotu, 30. meje, w 19.30 hodž. tež znaty filozof, teologa a referent dr. Johannes Hartl. Wječor steji pod hesłom „Unter dem Blick Jesu“. Worklečanske dekanatne dušepastyrstwo za młodžinu přepróšuje serbskich młodostnych, sej na přednošk dojěć a po tym w tak mjenowanej lounge wječor z přikusom, dušepastyrstwom kaž tež poskitkami k modlenju wuklinčeć dać. Wotjězd z awtami je w 17.00 hodž., mjez druhim z Chrósćic, planowany. Wróćo pojedu něhdže w 22.30 hodž. Zastup je darmotny. Přizjewjenje přijimuje dekanatne dušepastyrstwo za młodžinu online hač do pjatka, 22. meje. Link je pod www.posol.de wozjewjeny. Štóž ma zajim, móže so tež samostatnje na dalšich džělach konferency wobdžělić. Nadrobniši program a dalše informacije ke konferency su w interneće wozjewjene.

